

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 10 1952

5

T 5345/1381

東坡全集

五

東坡全集第五卷

西蜀後學張養正校正

聶紹昌編刻

僧清順新作垂雲亭

江山雖有餘亭榭若難穩登臨不得要萬象各偃
蹇惜哉垂雲軒此地得何晚天功爭向背詩眼巧
增損路窮朱欄出山破石壁狠海門浸坤軸湖尾
抱雲巘葱蔥城郭麗淡淡煙村遠紛紛鳥鵲去一
一漁樵返雄觀快新獲微景收昔遁道人真古人
嘯咏慕嵇阮空齋臥蒲褐芒屨每自捆天憐詩人
窮乞與供詩本我詩久不作荒澁旋鋤墾從君覓

哈佛大學漢和
圖書館珍藏印

東坡全集 卷之五
佳句咀嚼廢朝飯

五月十日與呂仲甫周邠僧惠勤惠思清順
可久惟肅義詮同泛湖遊北山

三吳雨連月湖水日夜添尋僧去無路漱漱水拍
簷駕言徂北山得與幽人兼清風洗昏翳晚景分
濃纖縹緲朱樓人斜陽半疎簾臨風一揮手悵焉
起遐瞻世人驚朝市獨向溪山廡此樂得有命輕
傳神所殲

會客有美堂周邠長官與數僧同泛湖往北
山湖中聞堂上歌笑聲以詩見寄因和二首

時周有服

藹藹君詩似嶺雲從來不許醉紅裙不知野屐穿
山翠惟見輕橈破浪紋頗憶呼盧袁彥道難邀罵
坐灌將軍皆取其有服也晚風落日元無主不惜清涼與

子分

載酒無人過子雲掩關晝卧客書裙歌喉不共聽
珠貫醉面何因作纈紋僧侶且陪香火社詩壇欲
斂鸛鵝軍憑君徧遶湖邊寺漲淥晴來已十分

席上代人贈別

淒音怨亂不成歌縱使重來柰老何淚眼無窮似

東坡全集 卷之三
梅雨一番勻了一番多

天上麒麟豈混塵籠中翡翠不由身那知昨夜香
閨裏更有偷啼暗別人

蓮子擘開須見憶楸枰著盡更無期破衫却有重
逢處一飯何曾忘却時

唐道人言天目山上俯視雷雨每大雷電但
聞雲中如嬰兒聲殊不聞雷震也

已外浮名更外身區區雷電若為神山頭只作嬰
兒看無限人間失筋人

追和子由去歲試舉人洛下所寄詩五首

雨初晴樓上晚景

秋後風光雨後山滿城流水碧潏潏煙雲好處無
多子及取昏鴉未到間

洛邑從來天地中嵩高蒼翠北印紅風流耆舊消
磨盡只有青山對病翁

謂富公也

白汗翻漿午景前雨餘風物便蕭然應傾半熟鷺
黃酒照見新晴水碧天

疾雷破屋雨翻河一掃清風未覺多應似畫師吳
道子高堂巨壁寫降魔

客路三年不見山上樓相對夢魂間明朝却踏紅

塵去羞向清伊照病顏

過廣愛寺見三學演師觀楊惠之石像
瑤畫文殊普賢三首

寓世身如夢安閑日似年
販蒲翻覆卧破衲再三
連勸客眠風竹長齋飲石泉
回頭萬事錯自笑覺
師賢

妙迹苦難尋茲山見幾層
亂峰螺髻出絕磴陣雲
崩措意元同畫觀空欲問僧
莫交林下意終老歎
何曾

朱瑤唐晚輩得法尚雄深
滿寺空遺迹何人識苦

心長廊欹雨脚破壁撼鐘音
成壞無窮事他年復
弔今

韓子華石淙莊

絳侯百萬兵尚畏書牘
背功名意不已數與危機
會我公抱絕識凜凜鎮橫潰
欲收伊呂迹遠與巢
由對誓言雖未從久已斷
諸內區區爲懷祖頗覺
羲之隘此身隨造物一葉舞
澎湃田園不早定歸
宿終安在彼美石淙莊
每到百事廢泉流知人意
屈折作濤瀨寒光洗肝鬲
清響跨箏篴我信門前
客放言不自外園中亦何有
蒼蔚可勝計請公試

東坡全集 卷之五
回首歲晚餘蒼檜

立秋日禱雨宿靈隱寺同周徐

百重堆案掣身閑一葉秋聲對榻眠
床下雪霜侵戶月枕中琴筑落堦泉
崎嶇世味嘗應遍寂寞山栖老漸便
惟有憫農心尚在起占雲漢更茫然

病中獨遊淨慈謁本長老周長官以詩見寄
仍邀遊靈隱因次韻答之

卧聞禪老入南山淨掃清風五百間
我與世疎宜獨往君緣詩好不容攀
自知樂事年年減難得高人日日閑
欲問雲公覓心地要知何處是無還

楞嚴

次韻答之

卧聞禪老人南山淨掃清風五百間
我與世疎宜獨往君緣詩好不容攀
自知樂事年年減難得高人日日閑
欲問雲公覓心地要知何處是無還

楞嚴經云我今示汝無所還地

病中遊祖塔院

紫李黃瓜村路香烏紗白葛道衣涼
閉門野寺松陰轉欹枕風軒客夢長
因病得閑殊不惡安心是藥更無方
道人不惜堦前水借與甌樽自在嘗

虎跑泉

亭亭石塔東峰上此老初來百神仰
虎移泉眼起行脚龍作浪花供撫掌
至今遊人灌灌龍卧聽空堦環决響
故知此老如此泉莫

作人間去來想

佛目山榮長老方丈 五絕

陶令思歸久未成，遠公不出但聞名。山中只有蒼髯叟，數里蕭蕭管送迎。

千株玉槩攬雲立，一穗珠旒落鏡寒。何處霜眉碧眼客，結為三友令相看。

東麓雲根露角牙，細泉幽咽走金沙。不堪土肉埋山骨，未放蒼龍浴渥洼。

食罷茶甌未要深，清風一榻抵千金。腹搖鼻息庭花落，還盡平生未足心。

日射迴廊午枕明，水沈銷盡碧烟橫。山人睡覺無人見，只有飛蚊

遠鬢鳴

癸丑春分後雪

雪入春分省見稀，半開桃李不勝威。應慙落地梅花識，却作漫天柳絮飛。不分東君專節物，故將新巧發陰機。從今造物尤難料，更暖須留御臘衣。

孤山二詠 并引

孤山有陳時柏二株，其一為人所斫，山下老人自為兒，已見其枯矣。然堅悍如金石，愈於未枯者。僧志任作堂於其側，名之曰柏堂。堂與白公居易竹閣相連，屬余作二詩以記之。

柏堂

道人手種幾生前，霍骨龍姿尚宛然。雙幹一先神物化，九朝三見

太平年忽驚華構依巖出乞與佳名到處傳此柏未枯君記取灰心聊伴小乘禪

竹閣

海山兜率兩茫然古寺無人竹滿軒白雀不留歸後語蒼龍猶是種時孫兩叢却似蕭郎筆千畝空懷渭上村欲把新詩問遺像病維摩詰更無言

與述古自有美堂乘月夜歸

娟娟雲月梢侵軒激激星河半隱山魚鑰未收清夜永鳳簫猶在翠微間淒風瑟縮經絃柱香霧淒迷著髻髮共喜使君能鼓樂萬人爭看火城還

有美堂暴雨

遊人脚底一聲雷滿座頑雲撥不開天外黑風吹海立浙東飛雨過江來十分激盪金樽凸千丈敲鐙羯鼓催喚起謫仙泉灑面倒傾蛟室瀉瓊瑰

八月十五日看潮

五絕

定知玉兔十分圓已作雲風九月寒寄語重門休上鑰夜潮留向月中看

萬人鼓噪懾吳儂猶似浮江老阿重欲識潮頭高幾許越山渾在浪花中

江邊身世兩悠悠久與滄波共白頭造物亦知人易老故教江水東西流

吳兒生長狎濤濤冒利輕生不自憐東流若知明生意應教斥鹵

變桑田

是時新有
旨禁弄潮

江神河伯兩醢鷄海若東來氣吐霓安得夫差水犀手三千強弩射潮低

吳越王嘗以弓弩射潮頭與海神戰自尔水不近城

東陽水樂亭

為東陽令都官傑作

君不學白公引涇東注渭五斗黃泥一鐘水又不學哥舒橫行西海頭歸來羯鼓打涼州但向空山石壁下愛此有聲無用之清流
流泉無絃石無竅強名水樂人人笑慣見山僧已厭聽多情海月空留照洞庭不復來軒轅至今魚龍綠鈞天聞道磬囊東入海遺聲恐在海山問鏘然澗谷含宮徵節奏未成君獨喜不須寫入薰風絃縱有此聲無此耳

與周長官李秀才遊徑山二君先以詩見寄次其韻二首

少年飲紅裙酒盡推不去呼來徑山下試與洗塵霧瘦馬惜鄣泥臨流不肯渡獨有汝南君從我無朝暮肯將紅塵脚暫着白雲屨嗟我與世人何異笑百步功名一破甑棄置何用顧更憑陶靖節往問征夫路

龍亦戀故居百年尚來去至今雨電夜殿閣風纏霧而我棄鄉國大江忘北渡便欲此山前築室安遲暮又恐太幽獨歲晚霜入屨同遊得李生及足隨蹇步孤明不自愛臨老起三顧吾歸便却掃誰踏門前路

臨安三絕

將軍樹

阿堅澤畔菰蒲節玄德墻頭羽葆桑不會世間閑草木與人何事

東坡全集
卷之五
管興也

錦溪

楚人休笑沐猴冠越俗徒誇翁子賢五百年間異人出盡將錦繡
裹山川

石鏡

山雞舞破半巖雲蔓葉開殘野水春應笑武都山下土枉教明月
殉佳人

登玲瓏山

何年僵立兩蒼龍瘦春盤七尚倚空翠浪舞翻紅羅 白雲穿破
碧玲瓏三休亭上工延月九折巖前巧貯風脚力盡時山更好莫
將有限趨無窮

宿九仙山

九仙謂左元放
許邁王謝之流

風流王謝右仙真一去空山五百春玉室金堂餘漢士桃花流水
失秦人困眠一榻香凝帳夢遶千巖冷逼身夜半老僧呼客起雲
峰缺處湧冰輪

陌上花三首

并引

遊九仙山聞里中兒歌陌上花父老云吳越王妃每歲春必歸臨
安王以書遺妃曰陌上花開可緩緩歸矣吳人用其語為歌含思
宛轉聽之凄然而其詞鄙野為易之云

陌上花開蝴蝶飛江山猶是昔人非遺民幾度垂垂老遊女長歌
緩緩歸

陌上山花無數開路人爭看翠輦來若為留得堂堂去且更從教

緩緩迴

生前富貴草頭露身後風流陌上花已作遲遲君去魯猶歌緩緩
妾回家

遊東西巖

即謝安
東山也

謝公會雅量世運屬艱難况復情所鍾感槩萃中年正賴絲與竹
陶寫有餘歡常恐兒輩覺坐今高趣闌獨携縹緲人來上東西山
放懷事物外徙倚弄雲泉一旦功業成管蔡復流言慷慨桓野王
哀歌和清彈挽須起流涕始知使君賢意長日月促卧病已辛酸
慟哭西州門往駕那復還空餘行樂處古木昏蒼烟

宿海會寺

藍輿三日山中行山中信美少曠平下投黃泉上青冥綫路每與

天未明木魚呼粥亮且清不聞人聲聞履聲

海會寺清心堂

南郭子綦初喪我西來違磨尚求心此堂不說有
清濁遊客自觀隨淺深兩歲頻為山水役一溪長
照雪霜侵紛紛無補意何事慚愧高人閉戶吟

徑山道中次韻荅周長官兼贈蘇寺丞

年來戰紛華漸覺夫子勝欲求五畝宅灑掃樂清
淨學道恨日淺問禪慙聽瑩聊為山水行遂此麋
鹿性獨遊吾未果覓伴誰復聽吾宗古遺直窮達
付前定醜糟醉方熟酒向呼不醒柰何效鸞蝠屢

欲爭晨暝不如從我遊高論發犀柄溪南渡橫木
 山寺稱小徑太平寺俗號小徑山幽尋自茲始歸路微月暎
 南望功臣山雲外盤飛磴三更渡錦水再宿留石
 鏡緬懷周與李能作洛生詠明朝二子至詩律嚴
 號令籃輿置紙筆得句輕千乘玲瓏苦竒秀名實
 巧相稱九仙更幽絕笑語千山應空巖側破甕飛
 溜灑浮磬山前見虎跡候吏鏡鼓競我生本艱竒
 塵土滿釜甑山禽與野獸知我久蹭蹬笑謂候吏
 還禦虎吾有命徑山雖云遠行李稍可併頗訝王
 子猷忽起山陰興但報菊花開吾當理歸榜

汪覃秀才久留山中以詩見寄次其韻

季子應嗔不下機棄家來伴碧雲師中秋冷坐無
 因醉半月長齋未肯辭擲簡搔毫無忤色汪善書託寫衆
 詩人投名入社有新詩飛騰桂籍他年事莫忘山中
 採藥時

再遊徑山

老人登山汗如濯到山困卧呼不覺覺來五鼓日
 三竿始信孤雲天一握古語云孤雲兩角去天一握平生未省
 出艱險兩足慣曾行鞏確含暉亭上望東溟凌霄
 峰頭挹南岳共愛絲杉翠絲亂誰見玉芝紅玉琢

白雲何事自來往明月長圓無晦朔

山有白雲塚
峯明月庵

上雞鳴猶憶欽山前鳳舞遠微璞雪窓馴兔元不

死煙嶺孤猿苦難捉從來白足傲死生不怕黃巾

把刀槩榻上雙痕凜然在劒頭一快何須角

以上皆山

中故嗟我昏頑晚聞道與世齟齬空多學靈水先

除眼界花清詩為洗心源濁騷人未要逃競病禪

老但喜聞剥喙此生更得幾迴來從今有暇無辭

數

洞霄宮

上帝高居愍世頑故留瓊館在凡間青山九鎖不

易到作者七人相對閑

論語云作者七人
矣今監宮凡七人

庭下流

泉翠蛟舞洞中飛鼠白鴉翻長松怪石宜霜鬢不

用金丹苦駐顏

初自徑山歸述古召飲介亭以病先起

西風初作十分涼喜見新橙透甲香遲暮賞心驚

節物登臨病眼怯秋光慣眠處士雲庵裏倦醉佳

人錦瑟旁猶有夢迴清興在卧聞歸路樂聲長

明日重九亦以病不赴述古會再用前韻

月入秋帷病枕涼霜飛夜簟故衾香可憐吹帽狂

司馬空對親春老孟光不作雍容傾座上翻成骯

麟倚門旁人間此會論今古細看茱萸感歎長

九日尋臻閣梨遂泛小舟至懃師院二首

白髮長嫵歲月侵病眸無怕酒杯深南屏老宿閑
相過東閣郎君懶重尋試碾露芽烹白雪休拈霜

葉嚼黃金扁舟又截平湖去欲訪孤山支道林

湖上青山翠作堆葱葱鬱鬱氣佳哉笙歌叢裏抽
身出雲水光中洗眼來白足赤髭迎我笑拒霜黃

菊爲誰開明年桑苧煎茶處憶著衰翁首重廻皎然

有九日與陸羽煎茶詩羽自號
桑苧翁余來年九日去此久矣

九日舟中望見有美堂上魯少卿飲處以詩

戲之

指點雲間數點紅笙歌正擁紫髯翁誰知愛酒龍
山容却在漁舟一葉中

西閣珠簾卷落暉水沉煙斷佩聲微遙知通德淒
涼甚擁髻無言怨未歸

遊諸佛舍一日飲醞茶七椀戲書勤師壁

示病維摩元不病在家靈運已忘家何煩魏帝一
丸藥且盡盧仝七椀茶

九日湖上尋周李二君不見君亦見尋於湖

上以詩見寄明日乃次其韻

湖上野芙蓉含思愁脉脉娟然如靜女不肯傍阡陌
詩人杳未來霜艷冷難宅君行逐鷗鷺出處浩
莫測葦間聞挈音雲表已飛屐使我終日尋逢花
不忍摘人生如朝露要作百年客喟彼終歲勞幸
茲一日澤願言竟不遂人事多乖隔悟此知有命
沉憂傷魂魄

送杭州杜戚陳三掾罷官歸鄉

秋風撼撼鳴枯蓼船閣荒村夜悄悄正當逐客斷
腸時君獨歌呼醉連曉老夫平生齊得喪尚戀微
官失輕矯君今憔悴歸無食五斗未可秋毫小君

言失意能幾時月啖蝦蟇行復皎殺人無驗中不
快此恨終身恐難了徇時所得無幾何隨手已遭
憂患繞期君正似種宿麥忍饑待食明年麩

次韻周長官壽星院同餞魯少卿

瑠璃百頃水仙家風靜湖平響釣車寂歷踈松欹
晚照伶俜寒蝶抱秋花困眠不覺依蒲褐歸路相
將踏桂華更著綸巾披鶴氅他年應作畫圖誇

次韻述古過周長官夜飲

二更鏡鼓動諸隣百首新詩間八珍已遣亂蛙成
兩部更邀明月作三人雲煙湖寺家家境燈火沙

河夜夜春曷不勸公勤秉燭老來光景似奔輪

述古以詩見責屢不赴會復次前韻

我生孤癖本無隣老病年來益自珍肯對紅裙辭

白酒但愁新進笑陳人北山怨鶴休驚夜南畝巾

車欲及春多謝清詩屢推轂豨膏那解轉方輪來詩

有雲霄蒲輪之句

金門寺中見李留臺與二錢惟演唱和四絕

句戲用其韻跋之

帝城春日帽簷斜二陸初來尚憶家未肯將鹽下

尊菜已應知雪似楊花

生平賀老慣乘舟騎馬風前怕打頭欲問君王乞

符竹但憂無蟹有監州皆世所傳錢氏故事

西臺妙迹繼楊風疑無限龍蛇洛寺中一紙清詩

弔興廢塵埃零落梵王宮

五季文章墮劫灰升平格力未全回故知前輩宗

徐庾數首風流似玉臺

胡穆秀才遺古銅器似鼎而小上有兩柱可

以覆而不蹶以為鼎則不足疑其飲器也胡

有詩答之

隻耳獸齧環長唇鴛擘喙三趾下銳春蒲短兩柱

向張秋菌細君看翻覆俯仰間覆成三角翻兩髻
古書雖滿腹苟有用我亦隨世嗟君一見呼作鼎
纔注升合已漂逝不如學鴟夷盡日盛酒真良計

古有篆五
字不可識

賀陳述古弟章生子

鬱葱佳氣夜克間始見徐卿弟二雛甚欲去爲湯
餅客惟愁錯寫弄麈書參軍新婦賢相敵阿大中
郎喜有餘我亦從來識英物試教啼看定何如

贈治易僧智周

寒窓孤坐凍生銚尚把遺編照露螢閣東九師新

得妙夢吞三畫舊通靈斷絃挂壁知音喪師與契
嵩深相

知時已
逝矣揮塵空山亂石聽齋罷何須更臨水胸中

自有洗心經

張子野年八十五尚聞買妾述古今作詩

錦里先生自笑狂莫欺九尺鬚眉蒼詩人老去鷺
鷺在公子歸來燕燕忙柱下相君猶有齒江南刺
史已無腸平生謬作安昌客略遣彭宣到後堂

書雙竹湛師房

我本江湖一釣舟意嫌高屋冷颼颼羨師此室纔
方丈一炷清香盡日留

東坡全集 卷之五
暮鼓朝鐘自擊撞閉門孤枕對殘缸白灰旋撥通
紅火卧聽蕭蕭雪打窓

寶山新開徑

藤梢橘刺元無路竹杖櫻鞋不用扶風自遠來聞
語笑水分流處見江湖回觀佛國青螺髻踏遍仙
人碧玉壺野客歸時山月上棠梨葉戰暝禽呼

和述古冬日牡丹

一朵妖紅翠欲流春光回照雪霜羞化工只欲呈
新巧不放閑花得少休

花開時節雨連風却向霜餘溼爛紅漏泄春光私

一物此心未信出天工

當時只道鶴林仙能遣秋花發杜鵑誰信詩能廻
造化直教霜枿放春妍

不分清霜入小園故將詩律變寒暄使君欲見藍
關詠更倩韓郎爲漆根

和錢安道寄惠建茶

我官于南今幾時嘗盡溪茶與山茗胸中似記故
人面口不能言心自省爲君細說我未暇試評其
略差可聽建溪所產雖不同一天與君子性森
然可愛不可慢骨清肉膩和且正雪花雨脚何足

道啜過始知真味永縱復苦硬終可錄汲黯少養
 寬饒猛草茶無賴空有名高者妖邪次頑曠體輕
 雖復強浮泛性滯偏工嘔酸冷其間絕品豈不佳
 張禹縱賢非骨鯁葵花玉鞞不易致道路幽嶮隔
 雲額誰知使者來自西開緘磊落收百餅嗅香嚼
 味本非別透紙自覺光炯炯粃糠團鳳友小龍奴
 隸日注臣雙井收藏愛惜待佳客不敢包裹鑽權
 倖此詩有味君勿傳空使時人怒生瘦

和柳子王喜雪次韻仍呈述古

詩翁愛酒長如渴餅盡欲沽囊已竭燈青火冷不
 成眠一夜撚須吟喜雪詩成就我覓歡處我窮正
 與君髣髴曷不走投陳孟公有酒醉君仍飽德瓊
 瑤欲盡天應惜更遣清光續殘月安得佳人擢素
 手笑捧玉盃兩竒絕豔歌一曲迴陽春坐使高堂
 生暖熱

弔天竺海月辯師三首

欲尋遺跡強沾裳本自無生可得亡今夜生公講
 堂月滿庭依舊冷如霜
 生死猶如臂屈伸情鍾我輩一酸辛樂天不是蓬
 萊客憑仗西方作主人

欲訪浮雲起滅因無緣却見夢中身安心好住王文度此理何須更問人

李頎秀才善畫山以兩軸見寄仍有詩次韻
荅之

平生自是箇中人欲向漁舟便寫真詩句對君難出手雲泉勸我早抽身年來白髮驚秋速長恐青山與世新從此北歸休悵望囊中收得武林春

雪後至臨平與柳子玉同至僧舍見陳尉列落帆古戍下積雪高如丘強邀詩老出踈髯散颺颺僧房有宿火手足漸和柔靜士素寡言相對自

忘憂銅鑪懼煙穉石鼎浮霜漚我行雖有程坐穩且復留大哉天地間此生得浮遊

夜至永樂文長老院文時卧病退院

愁聞巴叟卧荒村來打三更月下門往事過年如昨日此生未死得重論老非懷土情相得病不開堂道益尊惟有孤栖舊時鶴舉頭見客似長言

柳氏二外生求筆迹

退筆成山未足珍讀書萬卷始通神君家自有元和脚莫厭家雞更問人

一紙行書兩絕詩遂良鬚鬢已如絲何當火急傳

東坡全集 卷之五
家法欲見懸誠筆諫時

錢安道席上令歌者道服

烏府先生鐵作肝霜風卷地不知寒猶嫌白髮年
前少故點紅燈雪裏看他日卜隣先有約待君投
綬我休官如今且作華陽服醉唱儂家七返丹

除夜野宿常州城外二首

行歌野哭兩堪悲遠火低星漸向微病眼不眠非
守歲鄉音無伴苦思歸重衾脚冷知霜重新沐頭
輕感髮稀多謝殘燈不嫌客孤舟一夜許相依
雨來三見歲云徂直恐終身走道塗老去怕看新

曆日退歸擬學舊桃符煙花已作青春意霜雪偏
尋病客鬚但把窮愁博長健不辭醉後飲屠酥

元日過丹陽明日立春寄魯元翰

堆盤紅縷細茵陳巧與椒花兩鬪新竹馬異時寧
信老土牛明日莫辭春西湖弄水猶應早北寺觀
燈欲及辰白髮蒼顏誰肯記曉來頻嚏爲何人

古纏頭曲

鷓絃鐵撥世無有樂府舊工惟尚叟一生喙硬眼
無人坐此困窮今白首翠鬟女子年十七指法已
似呼韓婦輕帆渡海風掣迴滿面沙塵和淚垢青

東坡全集 卷之五
衫不逢湓浦客紅袖漫插曹綱手爾來一見哀駘
他便着臂鞬躬井白我慙貧病百不足強對黃花
飲白酒轉關濩索動有神雷輒空堂戰窓牖四絃
一抹擁袂立再拜十分爲我壽世人只解錦纏頭
與汝作詩傳不朽

刁同年草堂

不用長竿矯繡衣南園北第兩參差青山有約長
當戶流水無情自入池歲久醱醲渾欲合春來楊
柳不勝垂主人不用忽忽去正是紅梅着子時

惠山謁錢道人烹小龍團登絕頂望太湖

踏遍江南南岸山逢山未免更留連獨携天上小
圓月來試人間第二泉石路縈回九龍香水光翻
動五湖天孫登無語空歸去半嶺松聲萬壑傳

錢道人有詩云直須認取主人翁作兩絕戲
之

首斷故應無斷者冰消那復有冰知主人苦苦令
儂認認主人人竟是誰
有主還須更有賓不如無鏡自無塵只從半夜安
心後失却當年覺痛人

和蘇州太守王規甫侍太夫人觀燈之什余

東坡全集 卷之五
時以劉道原見訪滯留京口不及赴此會二

首

不覺朱轡輾後塵爭看繡幃錦纏輪洛濱侍從三人
貴京兆平反一笑春但逐東山携妓女那知後

閣走窮賓滯留不見榮華事空作賡詩第七人

翻翻緹騎走香塵激激飛濤射火輪美酒留連三

夜月豐年傾倒五州春

時浙西皆以不熟罷燈惟蕪獨盛

安排詩

律追強對贈燈歸期為惡賓墮珥遺簪想無限華

胥猶見夢回人

成都進士杜暹伯升出家名法通往來吳中

欲識當年杜伯升飄然雲水一孤僧若教俯首隨

韁鎖料得如今似我能

柳子王云通若及第不過似我

東坡全集第六卷

西蜀後學張養正校正

聶紹昌編刻

虎丘寺

入門無平田石路穿細嶺陰風生澗壑古木翳潭
井湛盧誰復見秋水光耿耿鐵花秀巖壁殺氣噤
蛙黽幽幽生公堂左右立頑礦當年或未信異類
服精猛胡爲百歲後仙鬼互馳騁窈然留新詩讀
者爲悲哽東軒有佳致雲水麗千頃熙熙覽生物
春意破淒冷我來屬無事暖日相與永喜鵲翻初
旦愁鳶蹲落景坐見漁樵還新月溪上影悟彼良

自哈歸田行可請

常潤道中有懷錢塘寄述古五首

從來直道不辜身
得向西湖兩過春
沂上已成曾
點服泮宮初采魯
侯芹休驚歲歲年年貌
且對朝朝莫莫人
細雨晴時一百六
畫船鼉鼓莫違民

草長江南鷺亂飛
年來事事與心違
花開後院還空落
燕入華堂怪未歸
世上功名何日是
樽前點

檢幾人非去年柳絮飛
時節記得金籠放雪衣

杭人

以放鷓鴣為太守壽

浮玉山頭日日風

即金山也

湧金門外已春融
二年魚

鳥渾相識三月鷺花付與公
剩看新翻眉倒暈未
應泣別臉消紅
何人織得相思字
寄與江邊北向
鴻

國豔天饒酒半酣
去年同賞寄僧簷
但知撲撲晴香軟
誰見森森曉態嚴
穀雨共驚無幾日
蜜蜂未許輒先甜
應須火急回征棹
一片鞞枝可得黏

惠山泉下土如濡
陽羨溪頭米勝珠
賣劍買牛吾欲老
殺雞為黍子來無
地偏不信容高蓋
俗儉真堪着腐儒
莫怪江南苦留滯
經營身計一生迂

刁景純賞瑞香花憶先朝侍宴次韻

東坡全集 卷之六
上苑天桃自作行劉郎去後幾回芳厭從年少追
新賞閑對宮花識舊香欲贈佳人非泛洎好紉幽
佩弔沉湘鶴林神女無消息爲問何年返帝鄉

同柳子玉遊鶴林招隱醉歸呈景純

花時臘酒照人光歸路春風灑面涼劉氏宅邊霜
竹老戴公山下野桃香巖頭足練兼天靜泉底真
珠濺客忙安得道人攜笛去一聲吹裂翠崖岡

景純見和復次韻贈之二首

解組歸來道益光坐看百物自炎涼卷簾堂上檀
槽鬧送客林間樺燭香淺量已愁當酒怯非才尤

覺和詩忙何人貪佩黃金印千林耽耽鎖北岡
人間膏火正爭光每到藏春得斲涼多事始知田
舍好凶年偏覺野蔬香溪山勝畫徒能說來往如
梭爲底忙老去此身無處著爲翁栽插萬松岡

人 柳子玉亦見和因以送之無寄其兄子璋道

不羨腰金照地光斲時假面弄西涼晴窓嚙日肝
腸暖古殿朝真履袖香說靜故知猶有動無閑底
處更求忙先生官罷乘風去何用區區賦陟岡
子王家宴用前韻見寄復答之

自酌金樽勸孟光更教長笛奏伊涼子王家有笛妓牽衣
男女遶太白扇枕郎君煩阿香詩病逢春轉深痼
愁魔得酒暫奔忙醒時情味吾能說日在西南白
草岡

景純復以二篇一言其亡兄與伯父同年之
契一言今者唱酬之意仍次其韻

靈壽扶來似孔光感時懷舊一悲涼蟾枝不獨同
攀桂雞舌還應共賜香亦同為郎等是浮休無得喪粗
分憂樂有閑忙年來世事如波浪鬱鬱誰知柏在
岡

屢把鉛刀齒步光更遭華袞照龐涼蘇門山上莫
長嘯蒼荀林中無別香燭燼已殘中夜刻槐花還
似昔年忙背城借一吾何敢慎莫樽前替戾岡

金山寺與柳子玉飲大醉臥寶覺禪榻夜分
方醒書其壁

惡酒如惡人相攻劇刀箭頽然一榻上勝之以不
戰詩翁氣雄拔禪老語清軟我醉都不知但覺紅
綠眩醉時江月墮撼撼風響變惟有一龕燈二豪
俱不見

大風留金山兩日

東坡全集 卷之六
塔上一鈴獨自語明日顛風當斷渡朝來白浪打
蒼崖倒射軒窓作飛雨龍驤萬斛不敢過漁艇一
葉從掀舞細思城市有底忙却笑蛟龍爲誰怒無
事久留童僕怪此風聊得妻孥忤瀟山道人獨何
事半夜不眠聽粥鼓

監洞霄宮俞康直郎中所居四詠

退圃

百丈休牽上瀨船一釣歸釣縮頭鱖園中草木春
無數只有黃楊厄閏年

俗說黃楊歲長一
寸遇閏退三寸

逸堂

新第誰來作並隣舊官寧復憶星辰請君置酒吾
當賀知向江湖拜散人

遜軒

冠蓋相望起隱淪先生那得老江村古來真遜何
曾遜笑殺逾垣與閉門

遠樓

西山煙雨卷疎簾北戶星河落短簷不獨江天解
空闊地偏心遠似陶潛

遊鶴林招隱二首

郊原雨初霽春物有餘妍古寺滿脩竹深林聞杜

鶻睡餘柳花
憧目眩山櫻
然西窓有病
客危坐看香
煙

行歌白雲嶺
坐咏脩竹林
風輕花自落
日薄山半陰
澗草誰復識
聞香杳難尋
時見城市人
幽居惜未深

書晉慈長老壁 志誠

晉慈寺後千竿竹
醉裏曾看碧玉椽
倦客再遊行老矣
高僧一笑故依然
久叅白足知禪味
苦厭黃公鳥名聒
晝眠惟有兩株紅
杏葉晚來猶得向
人妍

書焦山綸長老壁

法師住焦山而實未嘗住
我來輒問法法師了無
語法師非無語不知所
荅故君看頭與足本自
安冠履譬如長鬣人不
以長為苦一旦或人問
每睡安所措歸來被上
下一夜着無處展轉遂
達晨意欲盡鑷去此言
雖鄙淺故自有深趣持
此問法師法師一笑許

刁景純席上和謝生二首

悞入仙人碧玉壺
一歡那復間親踈
杯盤狼藉吾何敢
車騎雍容子甚都
此夜新聲聞北里
他年故事紀南徐
欲窮風月三千界
願化人天百億軀

東坡全集 卷之六
縱飲誰能問挈壺不知門外曉星踈綺羅勝事齊
三閣賓主談鋒敵兩都榻畔煙花常歎杜海中童
卯尚追徐母多酌我公須聽醉後粗狂膽滿軀

留別金山寶覺圓通二長老

沐罷巾冠快晚涼睡餘齒頰帶茶香艤舟北岸何
時渡晞髮東軒未肯忙康濟此身殊有道治醫外
物本無方風流二老長還往顧我歸期尚渺茫

無錫道中賦水車

翻翻聯聯銜尾鴉犖犖确确蛻骨蛇分畦翠浪走
雲陣刺水綠鍼抽稻牙洞庭五月欲飛沙鼉鳴窟

中如打衙天公不見老農泣喚取阿香推雷車

杭州牡丹開時僕猶在常潤周令作詩見寄

次其韻復次一首送赴闕

羞歸應爲負花期已是成陰結子時與物寡情憐
我老遣春無恨賴君詩玉臺不見朝酣酒金縷猶
歌空折枝從此年年定相見欲師老圃問樊遲
莫負黃花九日期人生窮達可無時十年且就三
都賦萬戶終輕千首詩天靜傷鴻猶戢翼月明礪
鵲未安枝君看六月河無水萬斛龍驤到自遲

蘇州閭丘江君二家雨中飲酒二首

小圃陰陰遍灑塵方塘澌澌欲生紋已煩仙袂來
行雨莫遣歌聲便駐雲肯對綺羅辭白酒試將文
字惱紅裙今宵記取醒時節點滴空堦獨自聞
五紀歸來髮未霜十眉環列坐生光喚船渡口迎
秋女駐馬橋邊問秦娘曾把四絃娛白傅敢將百
草鬪吳王從今却笑風流守畫戟空凝宴寢香

次韻沈長官三首

家山何在兩忘歸杯酒相逢慎勿違不獨飯山嘲
我瘦也應糠覈怪君肥

男婚已畢女將歸累盡身輕志莫違誰道山中食

無肉玉池清水自生肥

造物知吾久念歸似憐衰病不相違風來震澤帆
初飽雨入松江水漸肥

戲書吳江三賢畫像三首

誰將射御教吳兒長笑申公爲夏姬却遣姑蘇有
麋鹿更憐夫子得西施

范蠡

浮世功勞食與眠季鷹真得水中仙不須更說知
機早直爲鱸魚也自賢

張翰

千首文章二頃田囊中未有一錢看却因養得能
言鴨驚破王孫金彈丸

陸龜蒙

東坡全集 卷之六
和劉孝叔會虎丘時王規甫齋素祈雨不至
二首

白簡盛猶凜青山興已穠鶴閑雲作斃馳卧草埋
峰跪履若可教卜隣應見容因公問四老何處定
相逢

太常齋未解不肯對織穠只遣三千履來遊十二
峰林空苔清唱潭淨寫衰容歸去瑤臺路還應月
下逢

過永樂文長老已卒

初驚鶴瘦不可識旋覺雲歸無處尋三過門間老

病死一彈指頃去來今存亡慣見渾無淚鄉井難
忘尚有心欲向錢塘訪圓澤葛洪川畔待秋深

贈張刁二老

兩邦山水未淒涼二老風流總健強共成一百七
十歲各飲三萬六千場藏春塢裏鶯花鬧仁壽橋
邊日月長惟有詩人被磨折金釵零落不成行

去年秋偶遊寶山上方入一小院闐然無人
有僧隱几低頭讀書與之語漠然不甚對問
其隣之僧曰此雲閣梨也不出十五年矣今
年六月自常潤還復至其室則死葬數月矣

東坡全集 卷之六
作詩題其壁

雲師來寶山一住十五秋讀書常閉戶客至不舉
頭去年造其室清坐忘百憂我初無言說師亦無
對酌今來復扣門空房但颼颼云已滅無餘薪盡
火不留却疑此室中嘗有斯人不所遇孰非夢事
過吾何求

聽僧昭素琴

至和無攪躡至平無按抑不知微妙聲究竟何從
出散我不平氣洗我不和心此心知有在尚復此
微吟

僧惠勤初罷僧職

軒軒青田鶴鬱鬱在樊籠既爲物所縻遂與吾輩
同今來始謝去萬事一笑空新詩如洗出不受外
垢蒙清風入齒牙出語如風松霜髭茁病骨饑坐
聽午鐘非詩能窮人窮者詩乃工此語信不妄吾
聞諸醉翁

遊靈隱高峯塔

言遊高峯塔蓐食治野裝火雲秋未衰及此初旦
涼霧霏巖谷暗日出草木香嘉我同來人久便雲
水鄉相勸小舉足前路高且長古松攀龍虵怪石

東坡全集 卷之六
坐牛羊漸聞鐘磬音飛鳥皆下翔入門空無有雲
海浩茫茫惟見聾道人老病時絕糧問年笑不荅
但指穴藜牀心知不復來欲歸更傍徨贈別留足
布今歲天早霜

八月十七日天竺山送桂花分贈元素

月缺霜濃細葉乾此花元屬桂堂仙鷲峯子落驚
前夜蟾窟枝空記昔年破裊山僧憐耿介練裙溪
女鬪清妍願公採擷紉幽佩莫遣孤芳老澗邊

捕蝗至浮雲嶺山行疲苦有懷子由第二首

西來煙陣塞空虛灑遍秋田雨不如新法清平那

有此老身窮苦自招渠無人可訴烏銜肉憶弟難
憑大寄書自笑迂疎皆此類區區猶欲理蝗餘

霜風漸欲作重陽熒熒溪邊野菊黃久廢山行疲
犖确尚能村醉舞淋浪獨眠林下夢魂好回首人
間憂患長殺馬毀車從此逝子來何處問行藏
青牛嶺高絕處有小寺人迹罕到

暮歸走馬沙河塘爐煙裊裊十里香朝行曳杖青
牛嶺崖泉咽咽千山靜君勿笑老僧耳聾喚不聞
百年俱是可憐人明朝且復城中去白雲却在題
詩處

新城陳氏園次晁補之韻

荒涼廢圃秋寂歷幽花晚山城已窮僻况與城相
遠我來亦何事徙倚望雲巘不見苦吟人清樽爲
誰滿

梅聖俞詩集中有毛長官者今於潛令國華
也聖俞沒十五年而君猶爲令捕蝗至其邑
作詩戲之

詩翁憔悴老一官厭見首蒼堆青盤歸來羞澁對
妻子自比鮎魚緣竹竿今君滯留生二毛飽聽衙
鼓眠黃紬更將嘲笑調朋友人道獼猴騎士牛願

君恰似高常待暫爲小邑仍刺史不願君爲孟浩
然却遭明主放還山宦遊逢此歲年惡飛蝗來時
半天黑羨君封境稻如雲蝗自識人人不識

與毛令方尉遊西菩

寺提二首

推擠不去已三年魚鳥依然笑我頑人未放歸江
北路天教看盡浙西山尚書清節衣冠後處士風
流水石間一笑相逢那易得數詩狂語不須刪
路轉山腰足未移水清石瘦便能竒白雲自占東
西嶺明月誰分上下池黑黍黃梁初熟後朱戟綠
橘半甜時人生此樂須天賦莫遣兒曹取次知

聽賢師琴

大絃春溫和且平小絃廉折亮以清平生未識宮
與角但聞牛鳴盎中雉登木門前剝啄誰扣門山
僧未閑君勿瞋歸家且覓千斛水淨洗從來箏笛
耳

贈寫真何文秀才

君不見路州別駕眼如電左手挂弓橫撚箭又不
見雪中騎驢孟浩然皺眉吟詩肩聳山饑寒富貴
兩安在空有遺像留人間此身常擬同外物浮雲
變化無蹤迹問君何苦寫我真君言好之聊自適

黃冠野服山家容意欲置我山巖中勲名將相今
何限徃寫褒公與鄂公

回先生過湖州東林沈氏飲醉以石榴皮書
其家東老庵之壁云西隣已富憂不足東老
雖貧樂有餘白酒釀來因好客黃金散盡爲
收書西蜀和仲聞而次其韻三首東老沈氏
之老自謂也湖人因以名之其子偕作詩有
可觀者

世俗何知貧是病神仙可學道之餘但知白酒留
佳客不問黃公覓素書

東坡全集 卷之六 十三
符離道士晨興際華岳先生尸解餘忽見黃庭丹
篆句猶傳青紙小朱書

淒涼雨露三年後髮鬢塵埃數字餘至用榴皮緣
底事中書君豈不中書

李行中秀才醉眠亭

已向閑中作地仙更於酒裏得天全從教世路風
波惡賀監偏工水底眠

君且歸休我欲眠人言此語出天然醉中對客眠
何害須信陶潛未苦賢

孝先風味也堪憐肯爲周公晝日眠枕麴先生猶

笑汝枉將空腹貯遺編

甘露寺彈箏

多景樓上彈神曲欲斷哀絃再三促江妃出聽霧
雨愁白浪翻空動浮玉

金山名

喚取吾家雙鳳槽遣

作三峽孤猿號與君合奏芳春調啄木飛來霜樹

杪

單同年求德興俞氏聚遠樓詩三首

雲山煙水苦難親野草幽花各自春賴有高樓能
聚遠一時收拾與閑人

無限青山散不收雲奔浪卷入簾鉤直將眼力爲

東坡全集 卷之六
疆界何啻人間萬戶侯
聞說樓居似地仙不知門外有塵寰幽人隱几寂
無語心在飛鴻滅沒間

平山堂次王居卿祠部韻

高會日陪山簡醉狂言屢發次公醒酒如人面天
然白山向吾曹分外清江上飛雲來北固檻前脩
竹憶南屏六朝興廢餘丘壘空使姦雄笑寧馨

次韻陳海州書懷

鬱鬱蒼梧海上山東海鬱洲山云
自蒼梧浮來蓬萊方丈有無
間舊聞草木皆仙藥欲棄妻孥守市闌雅志未成

空自歎故人相對若爲顏酒醒却憶兒童事長恨
雙鳧去莫攀陳曾令
鄉邑

次韻陳海州乘槎亭

人事無涯生有涯逝將歸釣漢江槎乘桴我欲從
安石遁世誰能識子嗟日上紅波浮碧巘潮來白
浪卷青沙清談美景雙竒絕不覺歸鞍帶月華

次韻孫職方蒼梧山

蒼梧竒事豈虛傳荒怪還須問子年遠託鰲頭轉
滄海來依鵬背負青天或云靈境歸賢者又恐神
功亦偶然聞道新春恣遊覽羨君平地作飛仙

次韻孫巨源寄漣水李盛二著作并以見寄

五絕

南嶽諸劉豈易逢相望無復馬牛風山公雖見無

多子社燕何由戀塞鴻昔與巨源劉貢父劉莘老相遇於山陽自尔契闊惟

巨源近者復相見於京口

高才晚歲終難進勇退當年正急流不獨二疎為

可慕他時當有景孫樓巨源近離東海郡有景疎樓

漱石先生難可意謂巨源齟齬校尉久無朋謂自應知

客路愁無柰故遣吟詩調李陵謂李君也

雲雨休排神女車忠州老病畏人誇詩豪正值安

仁在空看河陽滿縣花盛為邑宰

膠西未到吾能說桑柘禾麻不見春不羨京塵騎

馬客羨他淮月弄舟人

王莽

漢家殊未識經綸入手功名事事新百尺竿成連

夜井千金購得解飛人

董卓

公業平時勸用儒諸公何事起相圖只言天下無

健者豈信車中有布乎

虎兒

舊聞老蚌生明珠未省老兔生於菟老兔自謂月中物不騎快馬騎蟾蜍蟾蜍爬沙不肯行坐令青衫垂白鬚於菟駿猛不類渠指揮黃熊駕黑貍丹砂紫麝不用塗眼光百步走妖狐妖狐莫誇智有餘不勞搖牙咀爾徒

除夜病中贈段屯田

龍鍾三十九勞生已強半歲暮日斜時還爲昔人歎樂天詩云行年三十九歲暮日斜時今年一線在那復堪把玩欲起強持酒故交雲雨散惟有病相尋空齋爲老伴蕭條燈火冷寒夜何時旦勸僕觸屏風饑鼯嗅空

案數朝閉閣卧霜髮秋蓬亂傳聞使者來策杖就梳盥書來苦安慰不怪造請緩大夫忠烈後高義金石貫要當擊權豪未肯覩哀懦此生何所似聞盡灰中炭歸田計已決此邦聊假館三徑粗成貲一枝有餘煖願君留信宿庶奉一笑粲

喬太博見和復次韻答之

百年三萬日老病常居半其間足憂樂歌笑雜悲歎顛倒不自知直爲神所玩須臾便堪笑萬事風雨散自從識此理久謝少年伴逝將遊無何豈暇讀城旦非才更多病二事可并案愧煩賢使者弭

東坡全集 卷之六
節整紛亂喬侯瑚璉質清廟嘗薦盥奮髯百吏走
坐變齊俗緩米遭甘鷓退並進耻魚貫每聞議論
餘凜凜激貪懦莫邪當自躍豈復煩爐炭便應朝
秣越未暮刷燕館胡爲守故丘眷戀桑榆煖爲君
扣牛角一味南山粲

二人再和亦再答之

寒雞知將晨饑鶴知夜半亦如老病客遇節常感
歎光陰等敲石過眼不容玩親友如搏沙放手還
復散羈孤每自笑寂寞誰肯伴元達號神君

晉循吏喬

智明字元達

高論森月旦紀明本賢將

段釋之本將家

汨沒事

堆案欣然肯相顧夜閣燈火亂盤空愧不飽酒薄
僅堪盥雍容許着帽不怪安石緩雖無窈窕人清
唱弄珠貫幸有從橫舌說劍起慵懦二豪沉下位
暗火埋濕炭豈似草玄人默默老儒館行看富貴
逼炙手惜餘煖應念苦思歸登樓賦王粲

雪夜書北臺壁二首

黃昏猶作雨纖纖夜靜無風勢轉嚴但覺衾裯如
潑水不知庭院已堆鹽五更曉色來書幌半月寒
聲落畫簷試掃北臺看馬耳未隨埋沒有雙尖
城頭初日始翻鴉陌上晴泥已沒車凍合王樓寒

東坡全集 卷之六
起粟光搖銀海眩生花遺蠅入地應千尺宿麥連
雲有幾家老病自嗟詩力退空吟冰柱憶劉叉

謝人見和前篇二首

已分酒盃欺淺懦敢將詩律闖深嚴漁叢句好應
須畫柳絮才高不道鹽敗屨尚存東郭指飛花又
舞謫仙簷書生事業真堪笑忍凍孤吟筆退尖
九陌淒風戰齒牙銀杯逐馬帶隨車也知不作堅
牢王無柰能開頃刻花得酒強歡愁底事閉門高
卧定誰家臺前日暖君須愛冰下寒魚漸可叉

鐵溝行贈喬太傅

城東坡壠何所似風吹海濤低復起城中病守無
所爲走馬來尋鐵溝水鐵溝水淺不容輶恰似當
年韓與侯有魚無魚何足道駕言聊復寫我憂荒
村野店亦何有欲發狂言須斗酒山頭落日側金
盆倒着接離騷白首忽憶從軍年少時輕裘細馬
百不知臂弓腰箭南山下追逐長楊射獵兒老去
同君兩憔悴犯夜醉歸人不避今年定起故將軍
未肯先誅灞陵尉

出城送客不及步至溪上二首

送客客已去尋花花未開未能城裏去且復水邊

東坡全集 卷之六
來父老借問我史君安在哉今年好雨雪會見麥
千堆

春來六十日笑口幾回開會作堂堂去何妨得得
來勸游行老矣舊隱賦歸哉東望峨眉小廬山翠
作堆 郡東廬山絕
類峨眉而小

蘇州姚氏三瑞堂 姚氏世
以孝稱

君不見董邵南隱居行義孝且慈天公亦恐無人
知故令雞狗相哺兒又今韓老爲作詩爾來三百
年名與淮水東南馳此人世不乏此事亦時有楓
橋三瑞皆目見天意定在虞鰥後惟有此詩非昔

人君更往求無價手

莫笑銀杯小 荅喬太博

陶潛一縣令獨飲仍獨醒猶將公田二頃五十畝
種秫作酒不種秔我今號爲二千石歲釀百石何
以醉賓客請君莫笑銀杯小爾來歲旱東海窄會
當拂衣歸故丘作書貸粟監河侯萬斛船中看美
酒與君一生長拍浮

送段屯田分得于字

勸農使者古丈夫不惜春衫踐泥塗王事靡盬君
甚劬奉常客卿虬兩須東武縣令天馬駒泮宮先

生非俗儒相與野飲四子俱樂哉此樂城中無溪
邊策杖自攜壺腰笏不煩何易于膠西病守老且
迂空齋愁坐紛墨朱四十豈不知頭顱畏人不出
何其愚

和段屯田荆林館

南山有佳色無人空自竒清詩為題品草木變芬
菲謝女得秀句留待中郎歸便當勒鞭策僕勸馬
亦饑段有姪
女在密

贈上天竺辯才師

南北一山門上下兩天竺中有老法師瘦長如鶴

鵠不知脩何行碧眼照山谷見之自清涼洗盡煩
惱毒坐令一都會勇丈禮白足我有長頭兒角頰
峙犀玉四歲不知行抱負煩背腹師來為摩頂起
走趨奔鹿乃知戒律中妙用謝羈束何必言法華
佯狂啖魚肉

遊廬山次韻章傳道

塵容已似服轅駒野性猶同縱壑魚出入巖巒千
仞表較量筋力十年初雖無窈窕驅前馬還有鷗
夷挂後車莫笑吟詩淡生活當令阿買為君書

廬山五詠

盧敖洞 圖經云敖秦博士避難此山遂得道

上界足官府飛昇亦何益還在此山中相逢不相識

飲酒臺

博士雅好飲空山誰與娛莫向驪山去君王不喜儒

聖燈巖

石室有金丹山神不知秘何必露光芒夜半驚童稚

三泉

皎皎巖下泉無人還自絮不用比三星清光同一月

障日峯

其狀類峩眉但小耳

長安自不遠蜀客苦思歸莫教名障日喚作小峨眉

東坡全集第六卷終

飲酒臺

博士雅好飲空山誰與娛莫向驪山去君王不喜

身安自不羨廣容苦思羶莫嫌各輒自與我小知

輒日峯

其米賤

民

如如蠶下泉無人愛自禁不用此三星散水同一

東坡全集第七卷

西蜀後學張養正校正

聶紹昌編刻

次韻章傳道喜雨

禱常山而得

去年夏旱秋不雨海畔居民飲鹹苦今年春暖欲
生蠶地上戢戢多於土預憂一旦開兩翅口吻如

風那肯吐前時渡江入吳越布陣橫空如項羽

錢塘見飛蝗自西地來極可畏農夫拱手但垂泣人力區區固難

禦撲緣鬣尾困牛馬啖齧衣服穿房戶坐觀不救

亦何心秉畀炎火傳自古荷鋤散掘誰敢後得米

濟饑還小補常山山神信英烈搗駕雷公訶電母

應憐郡守老且愚欲把瘡痍手摩撫山中歸時風
色變中路已覺商羊舞夜牕騷騷開松竹朝畦泫
泫流膏乳從來蝗旱必相資此事吾聞老農語庶
將積潤掃遺孽收拾豐歲還明主縣前已窖八千
斛今春及今得豐率以一勝完一畝更看蠶婦過
初眠蠶一眠則蝗不復生矣未用賀客來旁午先生筆力吾
所畏蹙踏鮑謝跨徐庾偶然談笑得佳篇便恐流
傳成樂府陋邦一雨何足道吾君盛德九州晉中
和樂職幾時作試向諸生選何武

謝郡人田賀二生獻花

城裏田員外城西賀秀才不愁家四壁自有錦千
堆珍重尤奇品艱難寂後開芳心困落日薄艷戰
輕雷昨日雷雨老守仍多病壯懷先已灰慙慙此祭者
賀獻魏攀折為誰哉玉腕揜紅袖金樽瀉白醅何
當鑷霜鬢強插滿頭迴

惜花

吉祥寺中錦千堆錢塘花最盛處前年賞花真盛哉道人
勸我清明來腰鼓百面如春雷打徹涼州花自開
沙河塘上插花回醉倒不覺吳兒哈豈知如今雙
鬢催城西古寺沒蒿萊有僧閉門手自栽千枝萬

葉巧翦裁就中一叢何所似馬腦盤成金縷杯而
我食菜方清齋對花不飲花應猜夜來雨雹如李
梅紅殘綠暗吁可哀

和頓教授見寄

用除
夜韻

我笑陶淵明種秫二頃半婦言既不用還有責子
歎無絃則無琴何必勞撫玩我笑劉伯倫醉髮蓬
勃散二豪苦不納獨以鍾自伴既死何處埋此身
同夜且孰云二子賢自結兩重按唉人還自唉出
口談治亂一生溷塵垢晚以道自盥無成空得懶
坐此百事緩久聞頓夫子講道出新貫豈無一尺

書恐不記庸懦陋邦貧且病數米銖稱炭慙愧童
先生十日坐空館袖中出子詩貪讀酒屢煖狂言
各須慎勿使輸薪粲

和子由四首

韓太祝送遊太山

偶作郊原十日遊未應回首厭籠囚但教塵土驅
馳足終把雲山爛漫酬聞道逢春思濯錦便須到
處覓菟裘恨君不上東封頂夜看金輪出九幽

送春

夢裏青春可得追欲將詩句絆餘暉酒闌病客惟

思睡蜜熟黃蜂亦懶飛芍藥櫻桃俱掃地

病過此二物

鬢絲禪榻兩忘機憑君借取法界觀一洗人間萬

事非

來書云近看此書余未嘗見也

首夏官舍卽事

安石榴花開最遲絳裙深樹出幽非吾廬想見無限好客子倦遊胡不歸座上樽雖得清古來四事巧相違令人却憶湖邊寺垂柳陰陰晝掩扉

送李供備席上和李詩

家聲赫奕蓋并涼也解微吟錦瑟傍擘水取魚湖起浪引杯看劍坐生光風流別後人人憶才器歸

來種種長不用更貪窮事業風騷分付與沉湘

西齋

西齋深且明中有六尺牀病夫朝睡足危坐覺日長昏昏既非醉踽踽亦非狂褰衣竹風下穆然濯微涼起行西園中草木含幽香榴花開一枝桑棗沃以光鳴鳩得美蔭困立忘飛翔黃鳥亦自喜新音變圓吭杖藜觀物化亦以觀我生萬物各得時我生日皇皇

小兒

小兒不識愁起坐牽我衣我欲嗔小兒老妻勸兒

癡兒癡君更甚不樂愁何爲還坐愧此言洗盞當
我前大勝劉伶婦區區爲酒錢

寄劉孝叔

君王有意誅驕虜
推破銅山鑄銅虎
聯翩三十七
將軍走馬西來各開府
南山伐木作車軸
東海取
鼉漫戰鼓
汗流奔走誰敢後
恐乏軍興汗質斧
保甲連村團未遍
方田訟牒紛如雨
爾來手實降新
書抉剔根株窮脉縷
詔書惻怛信深厚
吏能淺薄
空勞苦平生學問止
流俗衆裏笙竿誰比數
忽令獨奏鳳將雛
倉卒欲吹那得譜
况復連年苦饑饉

剝齧草木啖泥土
今年雨雪頗應時
又報蝗蠱生
翅股憂來洗盞欲
強醉寂寞虛齋卧
空甕公厨十日不生煙
更望紅裙踏筵舞
故人屢寄山中信
只有當歸無別語
方將雀鼠偷太倉
未肯衣冠掛神武
吳興丈人真得道
平日立朝非小補
自從四方冠蓋鬧
歸作二浙湖山主
高蹤已自雜漁釣
大隱何曾棄簪組
去年相從殊未足
問道已許談其祖
逝將棄官往卒業
俗緣未盡那得覩
公家只在雲溪上
上有白雲如白羽
應憐進退苦
皇皇更把安心教
初祖

孔長源挽詞二首

少年才氣冠當時晚節孤風益自奇君勝宜為夫子後林宗不愧蔡邕碑南荒尚記誅元惡東越誰能事細兒耆舊如今幾人在為君無憾為時悲

小堰門頭柳繫船吳山堂上月侵筵潮聲夜半千巖響詩句明朝萬口傳長源自越過杭夜飲有美堂上聯句長源詩云天日

遠隨雙鳳落海門遙豈意日斜庚子後忽驚歲在楚兩潮趨一坐稱善

已辰年佳城一閉無窮事南望題詩淚灑牋

寄呂穆仲寺丞

孤山寺下水侵門每到先看醉墨痕楚相未云談

笑是中郎不見典刑存

枕有伶人善學呂舉措臨似別後常令作之以為笑

君先去踏塵埃陌我亦來尋桑棗村回首西湖真一夢灰心霜鬢更休論

余主簿母挽詞

閨庭蘭玉照鄉閭自昔雖貧樂有餘豈獨家人在中餽却因麟趾識關雎雲軒忽已歸仙府喬木依然擁舊廬忍把還鄉千斛淚一時灑向老萊裾

送趙寺丞寄陳海州

景疎樓上喚峨眉君到應先誦此詩若見孟公投轄飲莫忘衝雪送君時

荅陳述古二首

漫說山東第二州棗林桑泊負春遊城西亦有紅
千葉人老簪花却自羞

小桃破萼未勝春羅綺叢中第一人聞道使君歸
去後舞衫歌扇總生塵

陳有小妓
述古稱之

張安道樂全堂

列子馭風殊不惡猶被莊生譏數數步兵飲酒中
散琴於此得全非至樂樂全居士全於天維摩丈
室空翛然平生痛飲今不飲無琴不獨琴無絃我
公天與英雄表龍章鳳姿照魚鳥但令端委坐廟

堂北狄西戎談笑了如今老去苦思歸小字親書
寄我詩試問樂全全底事無全何處更求虧

張文裕挽詞

高才本出朝廷右能事空推德業餘每見便聞曹
植句至今傳寶魏華書濟南名士新凋喪劍外生
祠已潔除欲寄西風兩行淚依然喬木鄭公廬

懷西湖寄晁美叔同年

西湖天下景遊者無愚賢深淺隨所得誰能識其
全嗟我本狂直早爲世所捐獨專山水樂付與寧
非天三百六十寺幽尋遂窮年所至得其妙心知

東坡全集 卷之七 七
口難傳至今清夜夢耳目餘芳鮮君持使者節風
采爍雲煙清流與碧巘安肯爲君妍胡不屏騎從
蹇借僧榻眠讀我壁間詩清涼洗煩煎策杖無道
路直造意所便應逢古漁父葦間自寅緣問道若
有得買魚勿論錢

和梅戶曹會獵鐵溝

山西從古說三明誰信儒冠也捍城竿上鯨鯢猶
未掩近泉草中狐兔不須驚東州趙叟飲無敵南
國梅仙詩有聲不向如皋閑射雉歸來何以得卿

卿是日惟梅
趙不射

祭常山回小獵

青蓋前頭點皂旗黃茅岡下出長圍弄風驕馬跑
空立趁兔蒼鷹掠地飛回望白雲生翠巘歸來紅
葉滿征衣聖朝若用西涼簿白羽猶能效一揮

和章七出守湖州二首

方丈仙人出渺茫高情猶愛水雲鄉功名誰使連
三捷身世何緣得兩忘早歲歸休心共在他年相
見話偏長只應未報君恩重清夢時時到主堂

絳闕雲臺總有名應須極貴又長生鼎中龍虎黃
金賤松下龜蛇綠骨輕君好爐火而餌茯苓雪水未渾纓可

濯弁峰初見眼應明兩巵春酒真堪羨獨占人間分外榮

和張子野見寄三絕句

前生我已到杭州到處長如到舊遊更欲洞霄爲
隱吏一庵閑地且相留過舊遊

狂吟跌宕無風雅醉墨淋漓不整齊應爲詩人一
回顧山僧未忍掃黃泥見題壁

柏堂南畔竹如雲此閣何人是主人但遣先生披
鶴氅不須更畫樂天真竹閣見憶

和蔣夔寄茶

我生百事常隨緣四方水陸無不便扁州渡江適
吳越三年飲食窮芳鮮金盞玉膾飯炊雪海螯江
柱初脫泉臨風飽食甘寢罷一甌花乳浮輕圓自
從捨舟入東武沃野便到桑麻川翦毛胡羊大如
馬誰記鹿角腥盤筵厨中烝粟埋飯甕大杓更取
酸生涎柘羅銅碾棄不用脂麻白土須盆研故人
猶作舊眼看謂我好尚如當年沙溪北苑強分別
水脚一線爭誰先清詩兩幅寄千里紫金百餅費
萬錢吟哦烹噉兩奇絕只恐偷乞煩封纏老妻稚
子不知愛一半已入薑鹽煎人生所遇無不可南

東坡全集 卷之十
北嗜好知誰賢死生禍福久不擇更論甘苦爭蚩
妍知君窮旅不自釋因詩寄謝聊相鐫

荅李邦直

美人如春風著物物未知羈愁似水雪見子先流
漸子從徐方來吏民舉熙熙扶病出見之驚我一
何衰知我久慵倦起我以新詩詩詞如醇酒盎然
薰四支徑飲不覺醉欲和先昏疲西齋有蠻帳風
雨夜紛披放懷語不擇撫掌咲脫頤別來今幾何
春物已含姿柳色日夜暗子來竟何時徐方雖云
樂東山禁遊嬉又無狂太守何以解憂思聞子有

賢婦華堂詠螽斯盍不倒囊索賣劍買蛾眉不用
教絲竹唱我新歌詞

和文與可洋川園池三十首

湖橋

朱欄畫柱照湖明白葛烏紗曳履行橋下龜魚晚
無數識君拄杖過橋聲

橫湖

貪看翠蓋擁紅粧不覺湖邊一夜霜卷却天機雲
錦段從教匹練寫秋光

書軒

東坡全集 卷之七
雨昏石硯寒雲色風動牙籤亂葉聲庭下已生書
帶草使君疑是鄭康成

冰池

不嫌冰雪遶池看誰似詩人巧耐寒記取羲之洗
硯處碧瑠璃下黑蛟蟠

竹塢

晚節先生道轉孤歲寒惟有竹相娛麤才杜牧真
堪喚喚作軍中十萬夫

荻浦

雨折霜乾不耐秋白花黃葉使人愁月明小艇湖

邊宿便是江南鸚鵡洲

蓼嶼

秋歸南浦蟪蛄鳴霜落橫湖沙水清卧雨幽花無
限思抱叢寒蝶不勝情

望雲樓

陰晴朝暮幾回新已向虛空付此身出本無心歸
亦好白雲還似望雲人

天漢臺

漾水東流舊見經銀潢左界上通靈此臺試向天
文覓閣道中間第幾星

待月臺

月與高人本有期，桂簷低戶映蛾眉。只從昨夜十分滿，漸覺冰輪出海遲。

二樂榭

此間真趣豈容談，二樂并君已是三。仁智更煩訶妄見，坐令魯叟作瞿曇。來詩云二見因妄生

灑泉亭

聞道池亭勝兩川，應須爛醉蒼雲煙。勸君多種長腰米，消破亭中萬斛泉。

吏隱亭

縱橫憂患滿人間，頗怪先生日日閑。昨夜清風比闕朝來爽，氣在西山。

霜筠亭

解籜新篁不自持，嬋娟已有歲寒姿。要看凜凜霜前意，須待秋風粉落時。

無言亭

慙慙稽首維摩詰，敢問如何是法門。彈指未終千偈了，向人還道本無言。

露香亭

亭下佳人錦繡衣，滿身瓔珞綴明璣。晚香消歇無

東坡全集 卷之五
尋處花已飄零露已晞

函虛亭

水軒花榭兩爭妍秋月春風各自偏惟有此亭無
一物坐觀萬景得天全

溪光亭

決去湖波尚有情却隨初日動簷楹溪光自古無
人畫憑仗新詩與寫成

過溪亭

身輕步穩去忘歸四柱亭前野竹微忽悟過溪還
一笑水禽驚落翠毛衣

披錦亭

煙紅露綠曉風香燕舞鶯啼春日長誰道使君貧
且老繡屏錦帳咽笙簧

禊亭

曲池流水細鱗鱗高會傳觴似洛濱紅粉翠蛾應
不要畫船來往勝於人

齒菖亭

日日移床趁下風清香不盡思何窮若爲化作龜
千歲巢向田田亂葉中

茶藤洞

東坡全集 卷之七
長憶故山寒食夜野茶藤發暗香來分無素手簪
羅髻且折霜蕤浸玉醅長憶故山一作半雨半晴

筓簪谷

漢川脩竹賤如蓬斤斧何曾赦籜龍料得清貧饒
太守渭濱千畝在胸中

寒蘆港

溶溶晴港漾春暉蘆筍生時柳絮飛還有江南風
舌桃花流水鱖魚肥

野人廬

少年辛苦事犁鋤剛厭青山遶故居老覺華堂無

意味却須時到野人廬

此君庵

寄語庵前抱節君與君到處合相親寫真雖是文
夫子我亦真堂作記人

金橙徑

金橙縱復里人知不見鱸魚價自低須是松江煙
雨裏小船燒薤擣香葢

南園

不種天桃與綠楊使君應欲候農桑春畦雨過羅
紈膩夏攏風來餅餌香

東坡全集 卷之七
北園

漢水巴山樂有餘一麾從此首歸塗
北園草本憑君問許我他年作主無

寄題刁景純藏春塢

白首歸來種萬松待看千尺舞霜風
年拋造物陶甄外春在先生杖履中
楊柳長齊低戶暗櫻桃爛熟滴堦紅
何時却與徐元直共訪襄陽龐德公

王盤盂二首 并序

東武舊俗每歲四月大會于南禪資福兩寺以芍藥供佛而今歲最盛凡七千餘朵皆重榭累蔓繁

麗豐碩中有白花正圓如覆盂其下十餘葉稍大承之如盤姿格絕異獨出于七千朵之上云得之於城北蘇氏園中周宰相苜公之別業也而其名俚甚乃爲易之

雜花狼藉占春餘芍藥開時掃地無
兩寺粧成寶纓絡一枝爭看王盤盂
佳名會作新翻曲絕品難尋舊畫圖
從此定知年穀熟姑山親見雪肌膚
花不能言意可知令君痛飲更無疑
但持白酒勸嘉客直待瓊舟覆玉奩
負郭相君初擇地看羊屬國首吟詩
吾家豈與花相厚更問殘芳有幾枝

東坡全集 卷之七
和潞公超然臺收韻

我公厭富貴常苦勲業尋相期赤松子永望白雲
岑清風出談笑萬竅爲號吟吟成超然詩洗我蓬
之心嗟我本何人麋鹿強冠襟身微空志大交淺
屢言深囑公如得謝呼我幸寄音但恐酒錢盡煩
公揮橐金

聞喬太博換左藏知欽州以詩招飲

今年果起故將軍幽夢清詩信有神馬革裹尸真
細事虎頭食肉更何人陣雲冷壓黃茆瘴羽扇斜
揮白葛巾痛飲從今有幾日西軒月色夜來新

喬將行烹鷺鹿出刀劔以飲客以詩戲之

破匣哀鳴出素虬倦看鴟鴞聽啾啾明朝只恐無
烹鶴此去還須却佩牛便可先呼報恩子不妨仍
帶醉鄉侯他年萬騎歸應好柰有移文在故丘

次韻劉貢父李公擇見寄二首

白髮相望兩故人眼看時事幾番新曲無和者應
思郢論少卑之且借秦歲惡詩人無好語

失中饑之狀

夜長鰥守向誰親

貢父近喪偶

少思多睡無如

我鼻息雷鳴撼四隣

何人勸我此間來絃管生衣甕有埃淥蟻濡脣無

東坡全集 卷之七
百斛蝗蟲撲面已三回磨刀入谷追窮寇洒涕循
城拾棄孩爲郡鮮歡君莫歎猶勝塵土走章臺

寄黎眉州

膠西高處望西川應在秋雲落照邊瓦屋寒堆春
後雪峨眉翠掃雨餘天治經方笑春秋學好士今
無六一賢君以春秋受知於歐陽文忠公公自號六一居士且待淵明賦
歸去共將詩酒趁流年

和趙郎中捕蝗見寄次韻

麥穰人許長穀苗牛可沒天公獨何意忍使蝗蟲
發驅攘著令典農事安可忽我僕既胼胝我馬亦

款斫飛騰漸云少筋力亦已竭苟無百篇詩何以
醒睡兀初如疏畎澮漸若決澣渤往來供十吏腕
脫不容歇平生輕妄庸熟視笑魏勃愛君有逸氣
詩壇專斬伐民病何時休吏職不可越慎無及世
事向空書咄咄

登常山絕頂廣麗亭

西望穆陵關東望琅邪臺南望九僊山北望空飛
埃相將叫虞舜遂欲歸蓬萊嗟我二三子狂飲亦
荒哉紅裙欲先去長笛有餘哀清歌入雲霄妙舞
纖腰回自從有此山白石封蒼苔何常有此樂將

東坡全集 卷之七
去復徘徊人生如朝露白髮日夜催棄置當何言
萬劫終飛灰

薄薄酒二首 并序

膠西先生趙明叔家貧好飲不擇酒而醉常云薄
薄酒勝茶湯醜醜婦勝空房其言雖俚而近乎達
故推而廣之以補東州之樂府既又以爲未也復
自和一篇聊以發覽者之一喙云耳

薄薄酒勝茶湯醜醜婦勝空房
五更待漏靴滿霜不如三伏日高睡足北窓涼珠
襦玉柙萬人祖送歸北印不如懸鶉百結獨坐負

朝陽生前富貴死後文章百年瞬息萬世忙夷齊
盜蹠俱亡羊不如眼前一醉是非憂樂都兩忘
薄薄酒飲兩鍾麤麤布著兩重美惡雖異醉暖同
醜妻惡妾壽乃公隱居求志義之從本不計較東
華塵土北窓風百年雖長要有終富死未必輸生
窮但恐珠玉留君容千載不朽遭樊崇文章自足
欺盲聾誰使一朝富貴面發紅達人自達酒何功
世間是非憂樂本來空

同年王中甫挽詞

先帝親收十五人四方爭看擊鵬鯤如君才業真

堪用顧我衰遲不足論出處陞沉十年後死生契
闊幾人存他時京口尋遺迹宿草猶應有淚痕宗
朝賢良十五人今惟富鄭公張
宣猷錢純老及余與舍弟在耳

七月五日二首

避謗詩尋醫畏病酒入務蕭條北窓下長日誰與
度今年秋熟草木困薰煮况我早衰人幽居氣
如縷秋來有佳興秫稻已含露還復此微吟往和
糟床注

何處覓新秋蕭然北臺上秋來未云幾風月已清
亮雲間聳孤翠林表浮遠漲新棗漸堪剝晚瓜

可餉西風送落日萬竅含悽悵念當急行樂白髮
不汝放

趙郎中見和戲復荅之

趙子吟詩如潑水一揮三百八十字柰何效我欲
尋醫恰似西施藏白地趙子飲酒如淋灰一年十
萬八千杯若不令君早入務飲竭東海生黃埃我
衰臨政多繆錯羨君精采如秋鶚頗哀老子今日
飲為君坐嘯主畫諾

次韻周邠寄鴈蕩山圖二首

指點先憑採藥翁丹青化出大槐宮眼明小閣浮

煙翠齒冷新詩嚼雪風二華行觀雄陝右九仙今
 已壓京東將赴河中密迓太華九仙此生的有尋
 在東武奇秀不減鴈蕩也
 山分已覺温台落手中

西湖三載與君同馬入塵埃鶴入籠東海獨來看
 出日石橋先去踏長虹遙知別後添華髮時向樽
 前說病翁所恨蜀山君未見他年攜手醉郾筒

送碧香酒與趙明叔教

聞君有婦賢且廉勸君慎勿為楚相不羨紫駝分
 御食自遣赤脚沽村釀嗟君老狂不知愧更吟醜
 婦惡嘲謗諸生聞語定失笑冬暖號寒卧無帳碧

香近出帝子家鵝兒破殼酥流益不學劉伶獨自
 飲一壺往助齊眉餉

趙既見和復次韻答之

長安小吏天所放日夜歌呼和丞相豈知後世有

阿瞞曹公自言北海樽前提私釀先生未出禁酒

國詩語孤高常近謗幾回無酒欲沽君却畏有司

書簿帳近制公使酒酸寒可笑分一斗日飲如何

疑表益更將險語壓衰翁只恐自是臺無餉

趙郎中往莒縣逾月而歸復以一壺遺之仍

用元韻

東隣主人遊不歸悲歌夜夜聞椿相門前人關馬
嘶急一家喜氣如春釀王事何曾怨獨賢室人豈
忍交謫謗大兒踉蹌越門限小兒咿啞語繡帳定
教舞袖掣伊涼更想夜庖鳴壘益題詩送酒君勿
謂免使退之嘲一餉

蘇潛聖挽詞

妙齡馳譽百夫雄晚節忘懷大隱中
悃悃無華真漢吏文章爾雅稱吾宗
趨時肯負平生志有子還應不死同
惟我閑思十年事數行老淚寄西風

東坡全集第七卷終

